

5301

Ե. ԾԻՐԿԱԹԻՆ

Հայ. Գոմարդա Աթօնու
Հայ Ակադեմիա

ԳԻՏԵՐԱՅԻՆ ՓԱՓՍՈՒԹՅՈՒՆ

ԿԱՄ

ՀՈԳԻԻ ՅՈՅԶԵՐ



1936

ՏՊ. Կ. ՏՕՆԻԿԵԱՆ

ՊԵՂՐՈՒԹ

891. 99
Դ-58

19 NOV 2011

L. սովորակ

Ե. ԾԻՐԿԱԹԻՆ

891.99
5-58

ԳԻԱՐԱՅԻՆ ՓՄՓՄՈՒԹՆԵՐ

ԿԱՄ

ՀՈԳԻԻ ՅՈՅԶԵՐ



1936

ՏՊ. Կ. ՏՕՂԻԿԵԱՆ
ՊԵՏՐՈՒԹ

5302

14 MAY 2013

35229

ԶՈՒ

Անո՞ր՝ որ բովանդակ երազը եղաւ եւ սա-
ռապանի մէջ բարստիւնը սովորեցուց ինձի,
Անո՞ր՝ որ սարփանոյց սիրոյ հուրը արծարծեց
հոգիիս մէջ, անո՞ր զո՞ր ամէն գոյնի մէջ տեսնել,
եւ որուն ձայնը ամէն խարշափի մէջ լսել կը
կարծեմ:



50637-65

ԵՐԿՈՒ ԽԾԱՔ

Սիրելի Ծիրկարին,

Չեռագիրնիդ ինձ դրկած է, կարդալով երկու խօսք ցրելու համար. Սրբ զնահատական երկու խօսք կ'ակրն-կալէ, պարտ կը համարեմ իմացնել, թէ սխալ դուռ բաղխած է: Որքան Զեր աշխատանքը մօս է բանասեղծութեան, այնքան իմ կարծիքը հեռու է զայն հասարակութեան առջեւ արժեկաւորելու համար:

Մեկ բան կ'արժէ յիշատակել: Համեստուրիւնը չը-նաղագոյն լատկութիւնն է զեղեցկութիւններու, որ յանախ ամեննեն անոյշ բոյրը կը ցրու իր ուրցը: Դուք այդ համեստուրիւննեն ունիք:

* *

Կ արդացի Զեր բանասեղծութիւններու փունջը: Հոն տեսայ երազը՝ իր բովանդակ նրապոյրովը փոռուած, բարութիւններու ամեննեն տպաւորիչը՝ որ տառապանքի մէջ կը բողբոջի, սիրոյ հուրը՝ ջրդեղուած գոյններու նրբութեամբ ու ձայնի ներդաշնակութեամբ: Սիրուհին վերջալոյսին եւ աղջիկը պատուհաննեն գողունի նայուածքներ: Կ'ուղղիկին, որոնցմէ լոյսի, նայուածքի, վարդի, սիրոյ ու համբոյրի զգլիսիչ պատկերներ բաղելով զանացած էիք վրձինել: Բանասեղծական պատկերներու ըստեղծազործութեան յատկութիւննիդ ցոյց կուտայ ան եւ աշխատելու Զեր կամքը վսահ եմ թէ պիտի զարգացնէ բանասեղծական կառուցուածքի վարպետութիւնն այ եւ օր մը գողբահայ գրականութեան մէջ համեստ անկիւն մ'ալ Զեզի համար պիտի ապահովէ:

* *

Ամեննեն ուրախալի պարագան այն էր, որ Զեր «Գործնական մարդու» հաւուող միտք պարբերաբար ինքինին հեռացուցած է տուկային ու կրամին եւ մօսեցուցած մաւսներու աշխարհին, Զեր հոգին յորաբերութեան մէջ դրած անսանց երազային կեանքին հետ եւ կույտ ապրած էք «ոչ գործնական» վայրկեաններ եւ համարձակութիւնն այ ունեցած էք բուղբին յանձնելու Զեր տպաւորութիւնները եւ վերջապէս ձեր բառկը բանալու զայն մամուլին կուտաք:

Ուստի զնահատելի կը գտնեմ Զեր համեստուրիւնը, Զեր գտած ու տեսած պատկերներու նոխութիւնը եւ առանց դրամին կլանուելու նման աշխատանքի մը լծուելի վերջ զայն բուղբին յանձնելու համարձակութիւնը:

Ասկէ աւելի զնահատանք վարպետներու բողելով


կը ներփակեմ յաշողութեան

մաղրանքներս

Բ. Կ. Ժամկոչեան

ՎԵՐՋԱԼՈՒՍՈՅԻՆ

Անոք՝ որ կը սիրեմ



Դիրտն ու քնքուշ երաղ մը կիջնայ

Հոգիիս վըայ,

Հըմայքներով լի, քաղցր ու բուրեան

Հովովն իրիկուան:

Երջանիկ շողեր, ցոլքեր անանուն

Դիւթանքով մ'անհուն,

Անուշ, մըտերիմ, կարծես հեռուէն

Չայներ կը բերեն...

Պաէ ինչո՞ւ, ահա, կը թովեն հոգիս՝

Կախարդելով զիս՝

Վերջալուսային ցոլքերն այս թաքուն՝

Քըքումով օծուն...

Ա՛լո, երեկոյեան հմայքն ունիս դու՝

Դիւթիչ ու աղու,

Ու այդ դոյներուն մէջ մի տռ մի ես

Կը տեսնեմ ըզքեզ...

ՊԱՏՈՒՅԱՆԵՆ ՆԱՅՈՂ ԱՆՁԿԱՆ

Ամէն օր այսպէս.

Վերջալոյսի հիր-վարդ պահուն իրիկուան
երբ արեգն իր քրքում վարսերը ժողվէ,
Յանկարծ լուսեղէն հրեշտակի մը պէս
Լուսամուտէն դուրս զլուխըդ ծռած,
Նայուածքով մը գողունի
Կը նայիս ինձի,
Ու դէմքիդ վրայ չարաճճի ժպիտ մը կը ծաւալի,
Գիտե՛մ, աղերսներ ունիս վչող զեփիւոյին,
Օդասլաց սա թռչուններուն,
Թաղարիդ մէջի բացուող ծաղիկին,
Ծռվուն, ալիքին...
Սիրտ ակաղձուն
Դեռ նոր բողբոջած սիրով մը գողտրիկ,
Կը բարախէ անհուն տենչանքով
Բայց նայուածքները մօրկանդ
Անգութ ու դաժան,
Ահեղ սոսկումով հոգիդ կը լեցնեն,
Ու դուն վիրաւոր վիթի պէս անմեղ
Խորհուրդներու մէջ կ'ընկլմիս մէկէն...

Եկու՛ր, կեանըը անուշ է այստեղ,
Շատրուանի ցայտքին պէս մաքուր,
Նայտաներու պէս մերկ ու աղուազին.
Քեզի պիտ երգեմ ծաղկկի երգեր, վարդերու օրօր..
Այդ սէրդ անմեղ սիրտս կ'արիւնէ,
Եկո՞ւր, ո՞վ աղջիկ,
Սա ծաղիկներու թաւիշներուն մէջ
Քեզ հետ այս գիշեր,
Լուսնին շողերը ըմպենք...
Եկու՛ր, տատրակի թևերով եկո՞ւր...
Հէքեաթը ոսկի անկէ կ'սկսի...

ՔԵԶ ՏԵՍՅՆԵԼ Կ'ՈՒԶԵՄ

Ամէն առաւօտ արշալոյսին հետ,
Գիշերը վիթթող վարդերուն պէս հիր,
Շղարչ մը վրադ թոյրով լուսաւետ
Քեզ տեսնել կ'ուզեմ, մազերդ ցանուցիր
Քեզ տեսնել կ'ուզեմ մազերդ ցանուցիր,
Սկ աչերդ անուշ թովչանքով առկի,
Ու երանաւետ վայրկեան մը ապրել
Դէմքովդ մելանոյշ, տեսքովդ աղածրի:

Դէմքովդ մելանոյշ, տեսքովդ աղածրի,
Քունի թմբիրը գեռ աղուաննշոյլ
Աչքերէդ մողիչ տակաւ երբ հոսի,
Քեզ տեսնել կ'ուզեմ, դէմքըդ իգանոյշ:
Քեզ տեսնել կ'ուզեմ, դէմքըդ իգանոյշ:
Ծաղիկներուն մէջ, գոյնին ու բոյըին,
Նոյնիսկ վարդերուն շաղոտ ու քնքուշ
Թերթերուն վրան պատկերդ աղուազին:

Մ Ե Ր Պ Փ

Մերթ կը տեսնեմ քեզ
Կ'անցնիս ու կ'երթաս
Անձանօթի պէս:
Մերթ ալ կը տեսնեմ
Առանձինն ու լուռ
Աղօթողի պէս
Տլուր կանգներ ես:
Ի՞նչ վսեմ գաղտնիք...
Կ'աղօթես ալդեօք,
Թէ անէծք բղիսի

Հոգիիդ խորէն...
Ա'լս թէ գիտնայի
Որու հասցէին...
Բաէ թէ ինչո՞ւ,
Երբեմն այսպէս
Դուն լուռ կը մնաս
Անձանօթի պէս...

ՀՐԱՒԵՐ ԳԻՇԵՐՈՒԻԱՅ

Եկո՞ւր դէպ՞ ծովափ
Որ հոգիս բացուի
Երբ աստղերն իյնան
Ծովուն մէջ հատ--հատ...
Արծաթ մակոյկով
Ես կ'ուզեմ նաւել
Բացերը, հեռուն,
Ուր մարդիկ չիկան
Եւ միջոցն է լուռ:
Քեզի պիտ պատմեմ
Երազներս ոսկի

Հուսինէն քաղուած
Քու վրադ հիւսուած...

Տենչացուած անուն,
Դու երա՛զ, միսթի՛ք,
Եկո՛ւր դէպ' ծովափ
Ծագող լուսնին հետ
Ու նաւենք հեռուն:

Կարօտդ անքուն
Մի՛րսս կը քամէ,
Հոգի՛ս կ'արիւնէ:

Եկո՛ւր դէպ' ծովափ
Ծագող լուսնին, հետ
Որ նաւենք հեռուն...

ՀԱՄԲՋՅՅՐՆԵՐԸ

Համբոյլներ կան՝
Անուշ, աղուոր, գողունի,
Համբոյլներ կան՝
Որոնցմէ թոյն կը ծորի։

Համբոյլներ կան՝
Լուսնի լուսով արձաթուած
Գիշերին մէջ՝
Որ համակ կեանք եմ կարծած,

ՆԱՅԻՒԾՈՎՐՆԵՐԸ

Մելամաղձոտ նայուածքներ կան
Որ մոմի պէս կ'սպառեն.
Ու տխրանուշ նայուածքներ կան
Կարծես արցունք կը քամեն:

Կեղծ ու պղտոր նայուածքներ կան,
Որոնք յաւէտ կը սըտեն:
Նայուածքներ կան սև աչքերնւ
Կը հոսեցնեն սէր աղու...

Ամէնքն ալ մէկ են
Կը տոչորեն, կը գերեն...

ԹՈՂԵՐ ԵՍ ԿԵՐԹԱՍ

Սիրեցի ես քեզ սիրով մ'անմեկին,
Հոգիս կարդացի էջ առ էջ ամըող։
Խօսքերըդ դիւթիչ երազներ էին,
Ու սիրալս համբուն նուիրեցի ողջ

Խոստացար, ըսիր թէ կը սիրես զիս
Եւ ուրիշ երկինք չունի քու հոգիդ:
Հաւատացի քեզ ու իմ խոհալիս
Քնարիս թելերն այնպէս հիւսեցի:

Գարնան օբերուն մէջ բուրումնաւէտ
Ես քեզ երգեցի: Դէմքդ իգանոյշ,
Շուրթերդ կարմիր՝ կակաչներուն հետ,
Ու բաղեղներուն՝ մաղերդ քնքուշ:

Թողեր հս կ'երթաս ու չես ալ ըսեր
Խօսք հրաժեշտի... սեղմում մը ձեռքի...
Գոնէ այսքանը չէի սպասեր...
—Ճամբաղ ծաղիկով, ողջերթու քեղի...

ՍԻՐՈՅ ՃԱՄԲԱՆ

Ճամբան կ'երկարի կ'երթայ դէպի ո՞ւր,
Զեմ զիտեր բնաւ:

Գիտեմ կը քալեմ համակերպ ու լուս
Տենչերով ծարաւ...

Սակայն ինչո՞ւ գու մերթ կը չարանաս
Ախ ինչո՞ւ համար...
Վերելք է, վերք է, անորոշ ճամբաս
Քայլերը մոլաբ:

Այն օրէն ի'վեր որ քեզ ձանչցեր եմ
Դուն ցաւ ես տուեր:
Թէ քեզ սիրելուս ես մեղաւո՞ր եմ,
Իրաւ չեմ զիտեր:

Սակայն կը քալեմ արահետէն ուր
—Ծիրոյ թաքթաքուր—
Ցաւեր, վեշտեր կան բիւրաւոր ու լուս
Բայց կեսնքն հեշտալուր...



Ինքը փշրեց զայն—Ա՛խ որ սիրաս էր—
Անմտօրէն, չարօրէն:
Ու հոգուոյս փուեց
Վիշտնիր թերը կապար:

Յաճախ իրեն ըսեր եմ,
Որ քնարիս հետ չի խաղայ բլնաւ
Իր քաղցը չարութեամբը պերձ,
Զի իմ ժողիսս լացն է լուսկեաց...

Այսքան եմ ըսեր, ալ ոչի՞նչ, ոչի՞նչ չեմ ըսեր.
Այս է սոսկալին...
Ինքը փշրեց զայն—Ա՛խ որ սիրաս էր—
Անմտօրէն, չարօրէն:

ԳԻՏԵԼԻ ԱՐԴԵՆ

Գիտէի արդէն պիտ' կարդար ան
Ու չի հասկնար,
Ու յուղումով նետէր դըլուժան
Մէկդի չարաբար:

 Շիթ մ' արցունք իշնայ աչքերէն գուցէ
Այդ թուղթին վրայ ուր
Սէրն է զրուած մասներով բոցէ
Մենակեց ու լուռ...

 Ա՛խ իրեն ըսի շատ հեղ ես.
Հոգին մանուկ էր
Սիրոյ իմաստն անուշ ու վէս
Բմբոնելու դեռ:

 Գիտէի արդէն պիտ' կարդար ան
Ու չի հասկնար
Իմաստ անոր, նետէր դըլուժան
Մէկդի չարաբար...

ՍՊԱՍՈՒՄ

Զմեռ օրտ
Կը տեղայ ձիւնն հանդարտօրէն
Ու անցորդներ կ' շտապեն:
Փողոցին վրայ պատշգամի մը տակ
Կեցեր եմ տժգոյն.
Փոխանակուելիք բառի մը համար,
— Խօսքի մը սիրոյ —
Այսքան սպասել ու չի կարենալ...

 Գա՛ր, զոնէ ան գար
Վա՛նկ մը զրուցեր,
Նոյն խակ ան ըլլար իր մերժումն՝ ի՞նչ փոյթ...
Արցունքն աչերուս սառեր են ցուբաէն,
Կը ձիւնէ հոգուոյս...

 Ա՛խ դու կնոջ սիրտ,
Մերթ բարի այնքան, անսահման,
Ու մերթ սպասով, մաշող...
Ու դեռ կ' շտապեն անցորդներ ընդհատ
Սրտով անտարբեր:



Ո՞վ կրնայ կարդալ
 Մագաղաթն հոգուոյս
 —Սիրոյդ խօսքերը հոն գրչագրուած—
 Դարձեր եմ պատին ծածկելու համար
 Արցունքն աչքերուս...
 Ու ճառագայթներն լոյսերուն առատ
 Ճերմակ ձիւնին վրայ բոսորագոյն
 Կ'իյնան գերթ արիւն...

ԱՅՍ ԳԻԾԵՐ

Այս գիշեր շէն է հոգիս
 Երազներով օրօրուն:
 Յոյսեր կը ծաղկին,
 Կ'ընձիւղին աղուսը
 Լուսնոյ արձաթեայ
 Կաթ լոյսին ներքեւ,
 Ու ճառագայթներ
 Հսգիս կ'ողողեն...
 Աղուո՛րս, եկուր որ ծըծեմ
 Սա որթատունիին

Սարբինային տակ,
 Գանգուր մազերով գլուխութ
 Դու կուրծքիս թեքէ...
 Թո՛ղ որ այն ատեն
 Շուրթերուդ բոյրը
 Ծըծեմ տարօրէն:
 Աղուորս եկո՛ւր,
 Բոլորը քուկդ են:

Աչերդ լոյս կուտան,
 Կը ճառագայթեն,
 Սիրոյ արահետ
 Կը բանան ինծի.
 Ու քնարիս թելերն կը հիւսուին
 Հեքիաթով քուկին...

Աղուո՛րս, եկուր որ ծըծեմ
 Բոյրը շուրթերուդ,
 Քանզի այս գիշեր շէն է հոգիս
 Սիրոյդ երազովն օրօրուն:



ԱՇՏԻ ՔՐՈՋ ՄԸ

Տխրութիւն մ'իր հեշտանքները կը ծորէ
 Դէմքիդ վրայ մելանոյշ:
 Գիտե՛մ, — ծաղիկ կեանքի մը ...
 Անցնող օրերու կարօտը կուլաս:
 Ու մեղեգիներդ
 Երգեհանի վանկերու պէս տխրագին
 Կը փշուին լուսամուտի
 Ալակիի կուրծքին:

Քո՛յր,

Այդ արցունքներուդ, մէջը հեշտալուր
 Կը սիրեմ ես քեզ գորովով մանհուն:
 Ի՞նչ կ'արժեն սրտեր երբ չի գիտեն ցաւիլ,
 Զգալ, զգացնել, վիշտերն հոգիի...
 Ի՞նչ կ'արժէ կեանքը թէ որ չըլլան
 Ցաւն ու խնձիղը իրարու հիւսուած:
 Քանզի արցունքի ներքեւը թաքուն
 Կայ ժշպիտը կեանքի,
 Ի՞նչ փոյթ,
 Ըլլայ ան ցաւոտ երբեմն
 Կամ բերկրանքով լի...

ԱՄԷՆ ԱՆԳԱՄ ՈՐ...

Միշտ կը փնտըռեմ այն պահերը գողտրիկ
 Սա ծառերուն տակ յուշերով յըղի,
 Ու դող մ'անանուն ո՛վ անուշ աղջիկ,
 Հոգիս խորէն սարսուռ մը կ'անցնի:

Կը յիշեմ բոլոր ես երէկներու
 Անուշ, մըտերիմ վայրկեաններն ամբողջ.
 Կը փնտըռեմ իզո՞ւր այն գիշերներու
 Դեռ անվարժ տըղու համբոյրըս դողդոջ.

Կարծես թէ մէկէն բան մը հեղասահ
 — Շիթ մը արցունքի այտերուս վրայ —
 Չայն մը աղուական, կուդայ կը լսեմ.

Ծառաստանին մէջ դէմքըդ կ'որոնեմ
 Սառած ակնարկով: Պատրանք մ'է նորէն.
 Կը սարսի յուզուած հոգիս համօրէն...

ԿԵԱՆՓԸ

ԱՅՆԻ ՈՐ ՏԱՌԱՎԵցաւ Իւ ՏԱՌԱՎԵցուց

ԿԵԱՆՔԸ ԵՐԱԳ Մ'Է Կ'ԸՍԵՆ. — Ի ՐՈՎԻ
 ԵՐԱԳ Մ'ԱՐՎԻԱՃԵՄ, ՀԵՔԻԱԹ ՄԸ ՌԱԼԻ,
 ՍԵԼԱԳԻԿ, ՔԱՂՋԸ Ու ԽՆՃԻՂՈՎ Ի.
 ԵՐՔԵՑՆ ՍՎԱԾՈՒ, ՄԱՉՈՂ, ԱհԱԼԻ:

ՄԵՐԹ ԿՄԱԳԱՅ յանկարծ բաղդի հարուած բիլու,
 ԿԸ ցնդին յոյսեր, կը տիրէ լոկ վիշտ.
 Համակ ցաւ, արցունք գառն, յուզումնալիր,
 ԿԵԱՆՔԸ կը դառնայ գեհեն մ'անյարիր:

ՏԱՌԱՎԱՆՔԵՆ ՎԵՐԸ ՄԵՐԹ կ'զգաս համբուն
 ԿԵԱՆՔ մ'անուշ, գողտըր, խինդերով անհուն.
 Անակնկալի կը տեսնես յանկարծ
 Կուգայ հրէշը, մէջ մ'ալ ման կոչուած...

Ու ահա այսպէս կեանքԸ կը սուրայ:

ՓՆՏՈՒԹԻՄ

Աշնանավերջի իրիկուն մը ցուրտ
 Այց մ'ըրի կըկին,
 Այն բլուրը ուր
 Մենք մ'երթայինք մերթ
 Թեւանցուկ ու լուռ...
 Բաղձացի գտնել քեզ նորէն
 Այժ տեղը կախարդ,
 Բայց չիկայիր դուն:
 Խածնող ու ցուրտ հով մը խենդ
 Կուրծս կը ծեծէր,
 Մազերս կը ցրուէր,
 Կարծես կը քաշէր,
 Կ'ուզէի ելլել, վեր, վեր
 Բլուրի կողէն
 Քեզմով տարօրէն:
 Չէի գիտէր ուր,
 Սակայն կ'ուզէի երթալ
 Այսպէս խելագար...
 Ամէն տեղ գացի
 Ուր որ կ'երթայինք,
 Ու քեզ վնասուեցի:
 Արեւը գնաց ու մոթը իջաւ.
 Հոգիս մսեցաւ,

Սիրտըս է տխուր:
 Ետ դարձայ նորէն՝
 Զեռներըս ծալլած՝
 Ճամբէս զառիվար:
 ...Ու դեռ կը քալեմ հեւասպառ ու լուռ
 Անարդուածի պէս:
 Լոյսերն վառուած են ալ փողոցներուն
 Կարմիր ու աղփուն:
 Զոյգեր թեւանցուկ
 Կուգան ու կ'երթան,
 Ու մարդիկ ալ հոն
 Կանգնած կը խոկան
 Տըխուր առանձինն
 Մայթերուն վըրան:
 Ո՞վ կրնայ սակայն ցաւերն իմանալ,
 Բիւր սրտերու մէջ, հազար վէրքեր կան:
 Ահա գինովներ իմ ճամբուս վըրան...
 Ու ես ալ գինով, կեցեր եմ մոլար,
 Հովը կը ցըռւէ մազերս անխնամ...
 Տեսնողը ըսէ խենդ մըն է գուցէ:
 Ո՞վ կը խորհի թէ հոգիս կը քաղուի
 Ու քեզ կը փնտռեմ այս ցուրտ դիշերով,
 Ու լուր կ'սպասեմ անյնող դարձողէն:

ՎԵՐՅԻՇՈՒՐ

Նախամուտ աշնան:
 Դուրսը կ'անձրեւէ
 Յուշի՛, մեղմօրէն:
 Կեցեր եմ նորէն
 Լուռ ու տիրադէմ
 Ու քեզ կը յիշեմ:
 Ու հոգիս մէջ
 —Թարմ սիրոյ մի էջ—
 Դառն արցունքի
 Ճաւ մը կը ծընի:
 Ինչո՞ւ մերժեցիր
 Դուն անկարեկիր,
 Սրտիս վշտաբեկ
 Համբոյըն բեկ-բեկ...
 Ախ ըսէ՛, ըսէ՛,
 Եյս ի՞նչ սարսուռ է
 Կուրծս կը կրծէ,
 Սիրտս կը քամէ:
 Ինչո՞ւ կը դողամ
 Հիւլէյէ մ'անգամ:
 Գլխակախ, անկամ,
 Կեցեր եմ կուլամ
 Լուռ ու տիրադէմ:
 Դուրսը կ'անձրեւէ,
 Քամին կը սուլէ,
 Հոգիս կը սարսէ:

ԴՐԱՆԸՐԴԻ ՇԵՄՔԻՆ

Ա'լս սա ցուըտ հովին,
 Զա՛ր հովին,
 Գիշերուայ կէսին
 Կեցեր եմ կրկին
 Դրանդ շէմքին:
 Գիտե՞ս, կը յիշե՞ս
 Երբ օր մը նորէն
 Եկեր էի ես
 Խաւարին, մութին
 Դարձեալ քու շէմքին:
 Միտքէդ իսկ չանցնիր
 Թէ սիրտ մը ցաւստ,
 Քու սիրով արբած,
 Խենդեցած տղան,
 Աս ցուըտ հովին,
 Զա՛ր հովին,
 Գիշերուայ կէսին
 Կեցեր է կրկին
 Դրանդ շէմքին...



ՀԱԽՍՆԾՑԱԳԻՆ

Կաղնիին առակ
 Իրէ կուն մը մթնչաղ,
 Երկուքս ալ խենդ
 Սիրով մը վայրի,
 Մուցած ամեն բան
 Ժայռին քովը ձեռք ձեռքի
 Մութին մէջ...
 Զե՛մ մոռնար բբնաւ,
 Ախ ի՞նչ անուշ էր
 Ժայռին քովը, մութին մէջ...
 Քալե՞նք ըսի,
 Տեսնող աչք կայ,
 Աս արահետէն անհետք
 Դէպ' ծառաստանները հեռուն
 Թէ ալ հերիք է...
 Ճուրթս շուրթին էր
 Երբ լուսինը կը շառագունէր...
 Բնա՛ւ չեմ մոռնար,
 Ախ ի՞նչ անուշ էր
 Լուսնծաղին շուրթ շուրթի
 Դողով, սարսուռով,
 Ժայռին քովը մամոստ,
 Լուսնծաղին երբ ես զինք պաղի...

ՄԱՅԻՍԻ ՎԱՐԴԵՐ...

Մայիսի՝ վարդեր,
Կարմիր սէր-վարդեր
Որ հոգուոյս բացուեր,
Դուք կը թառամիք
Արշալոյսի մ'իսկ:

Կիյնան հատ հատ
Զեր թերթերն գունատ
Հոգուոյս յուսահատ.
Գիշերով ցօղուած
Արցունքով դեռ թաց...

Ալ արցունք չունիմ
Զեզի մըտերիմ,
Մայիսի՝ վարդեր,
Դուք որոի վէրէեր...



ՆԱՄԱԿԸ

Կը դմէ ան.— «Ճառապանքն է
Սիրակարօտ, հաւատա՛ դուն,
Ախ քու սէրըդ որ կը հիւծէ,
Կը քայքայէ էութիւնս ողջ...»

Քանի՞ օր է որ կ'սպասեմ
Դու անգութ սիրտ, շողի մը զուարթ
Ես ծագելուն։ Մինչ լուսագէմ
Ի զո՞ւր, ի զո՞ւր կը չարչրկուիմ

Գոցել աչերս քունի կարօտ.
Դուն ես գարձեալ յուշիկ կուգաս
Քայլերովըդ ու վեհերոտ
Խառնել մագերդ տարտղնըւած...»

Տողեր կան որ, կը խոցոտեն
Ու կ'արիւնեն հոգիս տըխեղծ,
Եւ բառերն ալ սիրատոչոր
Կը հրկիզեն սիրտս քամուած։

Ու կը նայիմ երկարօրէն
Դեռ նամակին —թուղթ վարդագոյն—
Ուր վիշտ, ցաւ կայ և դողալէն
Կը սեղմեմ զայն կուրծքիս վրայ...

ԾԱՌԵՐՈՒԽՆ ՏԱԿ

Իրիկուններն երբ մուժն իջնէ
Կերթամ հեռու, քաղաքէն դուրս
Խաղաղութիւնն որոնելու
Հոգիիս որ հիւանդու է:

 Ծառերուն տակ երէկուայ յուշ
Ուր ստուերներն խիտ կ'երկարին
Լուսնոյ վըճիտ արծաթաթոյը
Լոյսին ներքեւ այնքան անուշ:

 Կուզեմ նորէն մտերմանալ
Ու ետ կանչել յուշերս իմին,
Թէկ տըսուր դեռ թարմախոց
Ու վիրաւոր սէրերս ալ...

 Լուսնոյ մաղուող շողերուն տակ
Բացակայիս լուռ դէմքն ահա...
Կուզեմ այսպէս փըլիւ, մընալ,
Ծառերուն քով ես գլխահակ...

 Կուզեմ այլևս ետ չի դառնալ.
Զինք վերկոչել, իրմով ապրիւ,
Երազելով գոցել աչերս
Ծառերուն տակ անդամ մըն ալ...



ՀԱՐՅՈՒՄ

ԱՆՈԲ...

Ուրկէ՞ կուզայ ան,
Թէ սէրն այս է,
Հսէ՞, կը մաշէ,
Կը տանջէ այսքան.
Որո՞ւ հարցնել...

 Կը դառնամ քեզի սիրտս յոդնաքամ:
Ա՞յս առանց քունի կէս-խուր աչքերով
Տանջանք է այսպէս, հոգի՛ս,
Գիշերն վերջ չունի...

 Ուրկէ՞ կուզայ ան,
Թէ սէրն այս է,
Հսէ՞, կը տանջէ,
Կը մաշէ այսքան...



ԶՂՂՈՒՄ.

ԻՐԵՆ ԸՍԻ

Բաի իրեն
Հոգիս վիշտ էր,
Ցաւ էր հոգիս,
Խնք մանռւկ էր
Ռժբոնելու,
Հասկընալու
Խորունկութիւնն
Թէ իմ սիրոյս:

Բաի դարձեալ
Մոռնանք զիրար,
Թող վերջանայ
Մեր սէրն այսպէս
Թող այս ըլլայ
Վերջին բաժակն
Մոռացութեան
Ու քաւութեան,
—Ա՛խ դժուար էր,
Հոգիս ցաւ էր,
Մոռնալն Մահ էր...

Ախ զղջացի,
Խնչո՞ւ ըսի
Ու ցաւ տուի...

Հոգւոյն զուարթ,

Հոգւոյն շէնշող

Ես վէրք բացի

Արիւնեցի.

Ու լացուցի,

Ու կոտրեցի

Միրար բեկ-բեկ...

Արցունքներուն

Մէջ գերազօր

Օ՛յնքան անուշ.

Ա՛յնքան միսթիք

Դարձաւ անի,

Ու սիրեցի.

Ու պաշտեցի,

Միրտս տուի,

Ալ հասկցայ,

Մէրն իր վսեմ...

Անուշ աղջիկ.

Աղուոր աղջիկ,

Ներէ ինծիւ

Ալ հերիք է

Բացուէ՛ հոգւոյս,

Ժպտէ՛ հոգւոյս:

— 34 —

Մէլ ժըպիտիդ
 Հոգիս կուտամ
 Ու կուրանամ
 Կեանքը փարթամ...
 Քու ժպիտ
 Հոգւոյս վարդն է,
 Նոր աշխարհ մ'է

ԵՐԱԳՆԵՐՈՒՄ

Իջէ՛ք այս գիշեր,
 Իջէ՛ք յորդառատ,
 Ո՛վ երազներս բարի
 Ու ես ըլլամ հիւրընկալ,
 Զեր երիզով լուսաշող
 Ըլլամ փարթամ ու հարուստ,
 Ըլլամ իշխան,
 Ու պարզեմ ու բաշխեմ
 Ես անսահման բարութիւն
 Որոնք կարօտ են, տենչացող
 Պուտ մը գութի...
 Որոնց շըթներն այլած են թախանցանքէ
 Ու բերանները յոգնած ալ բարութիւն մուրալէ:

Իջէ՛ք, իջէ՛ք այս գիշեր
 Ո՛վ երազներըս բարի,
 Իջէ՛ք շողերուն պէս լուսնի.
 Թոռ' որ ըլլամ սփոփանք
 Սպեղանին ըլլամ ես,
 Հիւանդ, տըխեղծ սըտերու
 Յոյսի կաթիւ շողացնեմ
 Հոգիներուն մէջ անոնց
 Որոնք յոգնած են արդէն
 Սպասումէ, սլատրանքէ.
 Որոնք ցաւոտ են, անկար,
 Ու յոյսերնին մեռած է...

Իջէ՛ք, իջէ՛ք այս գիշեր
 Ո՛վ երազներըս բարի,
 Թոռ որ ըլլամ անսահման
 Ես իշխանը բարութիւն...:



ՅՈՅԱՄԱՆ

Ո՛յնքան աղուոր մերթ կուզաս,
Զքնաղագեղ հարսի պէս
Հրբալուրիչ, հըմայող,
Կախարդելով ժպտերես...

 Ու կը պլլուիմ քշանցքիդ
Թախձանքներով աղեկէզ,
Ու գաս կրկին ժպտավէմ,
Այգաթրթիռ այցելես...

 Թախիծ, մորմոք բերելով,
Մութ ու խոժոռ մերթ կուզաս,
Մեռցնելսւ ամէն խանդ
Հոգւոյս մէջը դեռ տըհաս...

 Մերթ ալ կուզաս բերելով
Լոկ պատրանքներ հրայրքոտ,
Զուարթ շողին արփաւէտ
Մարելով բոցը տենդոտ:

 Ու չորցա՛ծ է կաթն հոգւոյս,
Յոյս շողափայլ, պըճլուն,
Քեղ ունիմ լոկ ապաւէն
Շողի հիւսկով նուազուն...


 Գոնէ հիմա դուն աննենդ
Եկուը ճամբով լուսագէս
Կանանչներով պատառուն,
Բայց չի խարե՛ս, չի խարե՛ս...

ԵՐԲ ՎԵՐԱԴԱՌՆԱՍ

Պիտի գանե՞ս զիս.— Հարց մըն է սակայն
Որ սարսուռի մէջ կը պահէ հոգիս—
Քու սիրով արբած, խենթեցած տըղան:
Ահա յուշերը ցաւոս երէկիս:

 Ահա բոլորը ինչ որ ես տուեր,
Գուն զիշերներու մտերիմ հոգուոյս,
Միւթիք աշերդ ճանչնալէս ի վեր.
— Զարչարանք ու վիշտ, տառապանք մ'անյոյս...

Գիտե՛մ, լա՛ւ զիտեմ, վերադառնաս պիտ'
Որոնելու գէթ զիս վերջին պահուդ
Քու դտոնակսկիծ արցունքով վըճիտ,
Բայց վերջին զիդը ալ չունի օգուտ:



ՀՐԻՑՏԱՔ

Հաւատա՛ ինծի
 Թէ չեմ ատեր քեզ
 Որ զիս մերժեր ես:
 Լուռ գիշերներու,
 Լուռ աստղերու տակ
 Երգեր կը հիւսեմ տաղեր կը շինեմ
 Գովքդ ընելու:

Հաւատա՛ ինծի
 Թէ չեմ ատեր քեզ
 Որ զիս խարեր ես:
 Իջնող շաղին հետ
 Արցունք կը թափեմ
 Սիրոյդ թաղարը
 Անով թրջելու...

Հաւատա՛ ինծի
 Թէ չեմ ատեր քեզ
 Որ զիս ատեր ես:
 Արեւածաղին ծաղիկ կը ժողվեմ,
 Վարդեր կը քաղեմ
 Վերադարձի ճամբուդ ցանելու:

Հաւատա՛ ինծի,
 Ես կը հաւատամ
 Նոր երազներով
 Յոյսերով կանանչ
 Գուշ վերադարձիդ,
 Հաւատա՛ ինծի:

ՄԻ ԳԱՐ

Շատ սպասեցի քու վերադարձիդ
 Ծաղկով, բոյրով...
 Այդը ցայդ ըրի, գիշերներ վը ձին
 Յոյսեր սընուցի...

Մանեակներու տեղ քեզ նուիրեցի
 Էռութիւնս ողջ
 Ինչ որ կը կազմէր հարստութիւնն իմին,
 Դարձեալ դու չեկար:

Գու վերադարձի ի զու՞ր փորձեցի
 Հաւատքով մը կուռ.
 Սիրաս տուեր եմ աղջկան մ' զեղաչուի,
 Այլեւս մի՛ դար:



ՊԶՏԻԿ ԱՂՋՎԱՆ ՄԸ

Անունն անոր կը հեգեմ
ի՞նչ փոյթ, ի՞նչ հոգ թէ չիկայ,
Քու դէմքիդ մէջ կը տեսնեմ
Անոր դէմքը բայակայ:

Դէմքիդ վրայ անուշ, հեղ
Պատկերն ունիս իրաւ իր,
Սակայն ի՞նչպէս յայտնել քեզ
Սիրոյս խօսքերը անդիր...

Պղակ'կ աղջիկ, սէրն ի՞նչ է,
Լաւ է որ դուն չի զիտնաս,
— Տառապանք է, կը մաշէ,
Հաւատա՛ դուն խօսքիս այս:



ԳՐԵԲ ԷՐ ԻՆԾԻ

«Սէրը ծաղիկ մ'է, զոր անթաւ
ռամ պահելու համար, պէտք է
արցունքով թրչել միշտ...»

Ահա թուղթն այդ,
Նամակ մ'հինցած ու դեղնած,
— Վարդ երազի հին օրերու յիշատակ —
Զեռքերուս մէջ բռնած դողդողազին
Այս գիշեր,
Կ'ոգեկոչեմ սէրն երէկի տրտմանուշ,
Եւ պատկերն իր այնքան սիրուած տենչացուած
Կը մօտեցնեմ շրթունքիս...

Կ'ատեմ բոլոր մարդիկն այն,
Կ'ատեմ բոլորն ես զանոնք
Որք ոխակալ են, քենոտ,
Եւ որ ունին
Զարանախանձ աչքերով
Մերթ թունալից ժպիտներ,
Նոյնիսկ ըլլան յորջորջուած
Մըտերիմներ ալ բարի...
Կ'ատե՛մ, կ'ատե՛մ ես զանոնք
Որք քանդեցին խորանը սուրբ վառ սիրոյս
Եւ դարձուցին տառապանքի զիս շիրիմ...»

Ահա զբրիչն ալ,

Զոր նուիրեց այս ինձի

Ամանորի տօնի մը

Երազներով հրավառ,

Ու ուղեց որ ես երգեմ

Սիրոյ երգեր խանդավառ,

Առանց երբեք գիտնալու

Թէ օր մը

Պիտի երգեմ ես անով տառապահքը

Այնքան քաղցր, այնքան սիրուած իր ամեն...

Գրեր էր ինձի.—

«Պահելու համար սէրը անթառամ

Պէտք է արցուքով թրչել միշտ ...»



ԱՄԷՆ ԳԱՐՈՒՄԻ

Ամէն գարումի ես այս օրերուն

Կը յիշեմ քեզ

Ու այս պահերուն՝ երբ դժասագներ

Կուտայիր ինձ ...

Օր մըն ալ բերիր ծաղիկներ կարմիր
կանանչ տերեւով

Կոկոններ, վարդեր գուն բուրումնաւէտ
երազով մ'անուշ,

Մատներովդ գիրզ գանոնք մի առ մի
Ու զեսակեցիր

Գեղօրի մը մէջ սիրով տրոփուն
Ու լուռ հեռացար:

Ա՛խ, չըսէր սակայն թէ պիտի դառնա՞ս
Ծաղիկով դարձեալ
Պճնելու համար գեղօրն կաթոգին
—Նիւթը սրբազան:

Այս հին օրերուն, քաղցր յուշերու
Գատրանքով կապրիմ,

Սպասելով միշտ նոյն մանուկ սիրոյն
Դեռ վերադարձին

ԴՈՒՆԻ ԴՐԱՑԻ ԵՆՔ ՀԻՄԱ.

Դուռ դրացի ենք հիմա,
Մըտերիմներ կարծես թէ:
Մթնշաղին՝ շատ կանուխ՝
Դեռ աստղերը չի մարած,
Քումայթ մազերը խոիւ
Միշտ կը գտնեմ զինք զարթնած։
Միշտ կը բաղիսին աչքերուս
Տըտում աչքերը թախծոտ։
Դէմքին վրայ կը տեսնեմ
Տառապանքներ բողբողով...

Ես ալ նոյնն եմ, իրեն պէս։
Մարդիկ օտար են ամբողջ,
Օտար հոգւոյս ցաւերուն։
Ես միշտ գինով եմ արդէն։
Վիշտերուս հետ առանձին։
Գլանիկս բարձրացող
Թուխ ծուխին մէջ կը գտնեմ
Կամ գաւաթի մ' փրփուրին,
Լուռ սփոփանքներս իմին։
Վըշտի ծուխն է բարձրացող
Հետքը ձըգած հոգիս։

Դուռ դրացի ենք հիմա,
Մեր հոգիները ընտել
Ցաւին, վրշտին. արցունքին։
Կը հարցնեմ թէ. — Ինչո՞ւ
Վարդերն անոք կը մեռնին,
Ու ծաղիկները ծարաւ
Թաղարիդ մէջ կը թօշնին
Ըսէ՛ թէ ինչո՞ւ։
Թող արցունքներդ ըլլան, կ'ըսեմ,
Ըլլան երաշտ թուփերուն
Գիշերուան ցողը փալփլուն։
Կըսէ ինծի թէ. — «Արցունքներս չոր-
ցած են...»

«Հոս մօ՛տ եկուր, կըսեմ իրեն,
Տե՛ս, իմիններս ալ չոր են»։

Դուռ դրացի ենք հիմա,
Մեր հոգիները ընտել
Ցաւին, վրշտին, լոռութեան...»



ՄՐԱՓԻՍ ՄԵԶ

Մրափիս մէջ կը տեսնեմ քեզ
 Որ կուգաս գեղարքենի հասակով.
 Ճերմակներու մէջ սնդուս...:
 Բոցէ համբոյր կը բաղձաս:
 Կ'զգամ հրայրքը կուրծքիդ
 Ու կ'երկարեմ շրթներս քեզ
 Եւ դուն ալ քուկիններդ իսկոյն:
 Չորցած շրթներ սիրածարաւ սրտերու
 Պինդ կը փարին, կը փաթթուին իրարու...
 Ու նայուածքներ դիւրահալ
 Իրարու մէջ կը մեռնին...

 Չես պատմէր թէ ի՞նչպէս
 Եկար խցիկս հեռաւոր,
 Հըպարտութիւնդ ի՞նչպէս
 Թողուց բաղիսել գոներս աղքատ:
 Կը տեսնեմ լոկ ժըպիտ մը
 Դէմքիդ վրայ դիւրաբողք
 Ու աչքերուդ մէջ արցունք...
 Խենդի մը պէս կ'արթննամ
 Մրափիս մէջ դեռ գինով
 Ու կը նայիմ որ չիկատ

 Թող աչքերը չի' խարեն
 Ու շրթները չի' ստեն,
 Ա'լս չի' ստեն, չի' ստեն...:

ԱԼ ՄԻ ԿԵՆԱՐ ՃԱՄԲԱԿՈ ՄԵԶ

... Դեռ կը կենաս ճամբուս մէջ,
 Կուզես նորէն դարպասել
 Հոգիս ու սիրաս կարթել:
 Թէ որ օր մը բաղձացի
 Ծծել նեկտարը շուրթիդ,
 Աչերուդ գեղն երգեցի,
 Սակայն տարիքն էր անի
 Դեռ սիրոյ թարմ, հրատենչ,
 Ուր ամէն շիւդ գոյն մըն էր,
 Ու ամէն ծիլ վարդ, ծաղիկ:
 Կեանքը երազ էր ամբողջ,
 Սէրը տիրող, կախարդիչ
 Ու շողերը կը ցաթէր
 Ամէն վանկի, խօսքի մէջ,
 Հիմա նոյնն եմ, նոյնն ես դու,
 Սակայն տեսչերը փոխուած:
 Ալ ծաղիկի, ծնծղայի,
 Հոգիս անփոյթ է հիմա...
 Ալ մի՛ կենար ճամբուս մէջ,
 Թող որ վերնայ շղթան պիրկ,
 — Սիրոյ կապանքն ամբասիր —
 Կուզեմ անցնի, դեռ առաջ
 Երազներուս արշաւին...



ԳԻԱԵՐԱՅԻՆ ՓՈՓՈՂԻՔՆԵՐ

Կ'իջնայ ան. — Գիշերն հսկայ յուլօրէն. —
Խաղաղութիւն մ' անսահման
Միջոցին մէջ իր թեւերը կը փոէ,
Ճերմակ խուրձեր լուսինէն
Ու աստղերէն ճաճանչներ
Երկինքէն վար կը ծորին.
Համբոյըները լուսեղէն չորսդին
Իրերն ամբողջ կ'ողողեն:
Գիծերն հիմա յուշերուս
Իրարու քով կ'ստուերուին.
Ճամբան անոնց կ'եզերուի
Մերթ շիթերով արցունքի...
Զի կայ փշուր մը գութի,
Նշոյլն երգի մը զուարթ...
Ու շարանը կ'երկարի...
Ծովը հեռուն կը տքայ
— Դարաւոր երգն անմեկին, —
Ծառերն անդին կ'երերան,
Խարշավներ կան անիմաց,
Ծաղիկներու սարսուներ
Որ ցողին տակ կը հեւան...
— Թերեւս ըլլան արցունքներ
Կոյսի մ' աղու աչքերէն,
Եւ կամ սրտէ մը թախծուա

Շոգիացած կաթիներ:
Գիշերը...
Խաւար ըլլայ թէ պայծառ,
Ես կը սիրեմ սիրտս բանալ
Անոր առջեւ լայնօրէն:
Մերթ կ'արտասուեմ տղու պէս,
Մերթ կը ժպտիմ լացին հետ...
Բայց ան գիտէ հմայել
Ու գաղտնիքները պահել....:

Մինչ այն կ'իջնայ, կը լսեմ,
Փսփսուք կայ ամէն կողմ,
Փսփսուքներ անհատնում
Գիշերին մէջ գաղտնասաց:
— Օ՛ իմ հոգիս գիրք մըն է,
Գիրք մ' անգիր
Գիշերներէն փրցուած:

* * *

Փսփսուքներն այս անհուն
Խորհրդաւոր ու մթին,
Հոգիս իրենց կը կարթեն
Նոյն իսկ ըլլան ցաւազին
Հեծկլտուքներ, մըմունջներ,
Փսփսուքներն այդ անուշ,
Փսփսուքները գաղտնի
Ես կը սիրեմ ցայգային:

Ա Լ Թ Վ Բ Ա Ս

Դողդողագին, մատելս հազիւ հպելով
 Կը բանամ զայն յուզումով մը տարօրէն
 Ու կը նայիմ թախծալից...
 Դէմքեր անուշ ու ժպտուն,
 Ու սլաղատող նայուածքներ...
 Բարկ բուրումով
 Դեղնած, չորցած տերեւներ,
 Թուղթեր ճերմակ գորշացած
 Ուրշտկուած տառերով,
 Եւ դեռ իրեր
 Որք թախծանքներ ու աղերսներ ունին խոր:
 Ու դեռ սէրեր շունչ մ'հազիւ
 Հազիւ ծաղկած ժըպիտներ,
 Արշալոյսէ վերջալոյս հազիւ ապրած
 Քովքովիութիւն մը վաղանցուկ...
 Դեռ գաղտնիքներ չի զրուցուած, չի խօսուած
 Երազներու աշխարհ մը,
 Որոնք հին հին սէրերու
 Դարձեալ հոգւոյս ծալքերը
 Ծաղկաստանին կը բանան...
 Ցիշտակներ, ի՞նչ փոյթ թէ օր մը հըճուեցուցին
 Մերթ ալ լացին ու լացուցին դառնօրէն,
 Նոյնիսկ ըլլան պատրանքներ
 Զոր խոստումներ սրտաբեկ,

Ես կը սիրեմ զանոնք դեռ:
 Սակայն՝ կ'զգամ հիմա դարձեալ
 Թէ արցունքներ ուղխօրէն
 Այտերս այրած կը թրջեն:
 Արդեօք ինչո՞ւ, չե՛մ գիտեր,
 Յուշերն այսքան կը տանջեն,
 Ու երէկն անանուն
 Բան մ'ունի միշտ շղթայող:
 Կ'ուզեմ մոռնալ ու ատել
 Եւ բոցերու մէջ այրել սա բոլորը
 Եւ չի թողուլ շիւղ մ'իսկ:
 Ի զո՞ւր ձեռքս կ'երկարեմ,
 Ինչո՞ւ արդեօք չեմ կրնար...
 Կ'ուզեմ մոռնալ, այո՛,
 Ինչ որ երէկ սիրեցի,
 Ինչ որ երէկը տուաւ ինձ,
 Մոռնա՛լ հինը,
 Ու մտածել թէ չիկան
 Եւ չեն ապրած բընաւին:
 Ո՛խ, մոռնա՛լ, մոռնա՛լ,
 Այն ամենը ցաւոտ
 Որոնք ծնունդ են առեր
 Կեանքի ցրտին մատեանէն
 Ու ապրիլ կեանքը անփոյթ
 Մանուկի պէս, խենթի պէս,
 Չի գիտեմ ինչո՞ւ չեմ կրնար...

Հոս է ան դեռ,
Մատներուս տակ:
Հին օրերու երազներով թաթաւուն
Հուսկ անգամ մ'ալ կը նայիմ
Ու կը սեղմեմ շըթունքիս...

ՅՈՒՇԵՐ

Սիրոս վիրաւոր ու տրտմաթախիծ,
Հոգիս այս դիշեր թափառկոտ, նուաղ,
Տարտամ անստոյգ խոկումներու մէջ
Կը վնառեմ մեկնող անուրջները վաղ...

Նայիլ երէկուայ յուշերուն դեռ թարմ
— Թախիծ ու խաբկանք —, քիչ մը արիւնիլ.
Ու այսօրուայ խոր ցաւը երգել,
Ու սուզուիլ վազուայ երազին մէջ բիլ...


Սա պատկերը որ աչքերուս առջեւ
Այնքան խօլաբար կը մըրկէ զիս,
Սա իրերը որ շատ մտերմօրէն
Լացող աղերս մը ունին հոգիիս.

Կը տենչամ մոռնա՞լ, մոռնա՞լ բոլորը...
Ու ինչո՞ւ ցաւիլ, եւ ինչո՞ւ համար

Բնա՞ւ չեմ զիտեր, ցաւ մը սրտէս ներս
Կը խուժէ թաքուն անզգալաբար:

* *

Յաւիլ, արտասուել, մինակ, առանձին,
Ու հպատակիլ նսեհին դժկամ,
Հատնիլ, սպառիլ, չի յայտնել բնաւ
Նոյնիսկ մտերիմ սրտի մը անգամ:



ԽՈՐՀՐԴԱԽՈՐ ԾԱՂԻԿՆԵՐԸ

...Սենեակ վերադարձին սեղանիս վրայ գըտայ գեղեցիկ գեղօրի մը մէջ զետեղուած ծաղիկներ։ Մանիշակներ, վարդեր, շուշաններ։ Քարտ մը գրուած։ «Լա՛ւ նայէ, ծաղիկներուն մէջ զիս պիտի տեսնես։»

Արդարև երրորդութիւն մը, երեք խորհրդաւորութիւններ ունիմ։ Անմեղութեան, չամեստութեան ու Սիրոյ նշան։ Քնքուշ բանաստեղծութիւններ, կնոջական փափուկ զգացողութիւն, չարաճճի մտածելակերպ։

Կը նայիմ գեղօրին երկարօրէն։ Ավասո՞ս որ քանի մ'օրուայ կեանքէն յետոյ պիտի թառամին, պիտի թօշնին անոնք։ Կը խորհիմ պահ մը, ի՞նչպէս շպըտել զանոնք եւ ոտքերու կոխան ընել։

* *

Քարտը ձեռքիս մէջ՝ դարձեալ կը նայիմ ծաղիկներուն։ Ամբողջ դիւթանք մ'է։ Դէմք մը կ'ուրանայ հոն ինծի. դէմք մ'անուշ, քաղցրաժպիտ։

* *

Պիտ' ըղձայի, որ զուն ըլլայիր անգաղտնապահ։ բանաստեղծի մ'հոգւոյն պէս բաց ըլլային հոգւոյդ ծալքերը և ես կարողանայի կարգար զանոնք։ Դուն ըլլայիր անմեղ շուշան՝ և սէրդ քնքուշ վարդերու պէս, մանիշակներ զարդարէին գեղոյդ ածուները։ Դուն ըլլայիր սիրոյս աստւածը եւ ես պաշտէի քեզ։

ՃԱՄԱԴՐՈՒԹԻՒՆ

Պիտի գա՞ս, չէ։ Հին սէրերով ու հին ճամրայէն եկո՛ւր մութ ու խաւար գիշերով, ծամերդ խոխ։ Ո՛չ ոք տեսնէ քեզ ու իմանայ հետք։ Այծեամներու կճղակներուն պէս թեթև ըլլան անոնք, հեռո՛ւ չարաբաղձ ու չարանախանձ աչքերէ. ա՛յնպէս մը գաղտնի, հայրիկէդ ու մայրիկէդ ալ ծածուկ, նոյնիսկ գուն ինքդ չիմանասթէ ի՞նչպէս եկար։

Լա՛ւ յիշէ, գիտես արդէն... Մութ ու խաւար գիշերով, պուրակին եղերքը, մշտադալար ու հաստաբուն մայրիին տակ, ժայռին քով ուր յիշատակի մը նշանը գծագրած ենք.... Ո՛չ մէկ երկիւղ, չէ որ Աստուած սէր է, ու սէրը աստւած։

Լուսնոյ առաջին քթթումին. երբ անոր կարմիր սկաւառակը իյնայ առուակին մէջ, գլուխդ ծունկերուս վրայ հանգչեցուցած քեզի պիտի պատմեմ գրուագ մը, սիրոյ հեքեաթ մը, որ չես զիտեր գեռ ու բնաւ չես լած։

Աղուո՛րս, լա՛ւ յիշէ, մութ ու խաւար գիշերո՛վ եկուր, պուրակին եղերքը, ա՛յնպէս մը գաղտնի....



ԱՂԵՐԾ ԳԻՇԵԲՈՒԱՅ

Լուսնկայ գիշեր, հոգւոյս մէջ իջեր, հոգ-
ւոյս մէջ ծագէ, դուն լուսին բարի, շնցուր
զիս, գիշեր, յիշատակներուս օրքանը բեր ինձ:
Դուն կախարդ գիշեր, ախեղծ սրտերու սէրէն
տառապող ու վարագուրուած ցաւերը ծրար,
դուն գիշեր բարի, զաղտնեաց պահարան, երա-
զիս աղջկան շուրթերը բեր ինձ, յուշերը բեր
ինձ, ու անոր անուլ երազը բեր ինձ: Դուն ես
մտերիմն սրտիս, հոգիիս, դարբնողը դուն ես բա-
րիին, չարին:

Քամէ կաթ լոյսէդ բարութիւնն անոր սըր-
տիս մէջ, լուսին:

Լուսնկայ գիշեր, հոգւոյս մէջ իջեր, հոգ-
ւոյս մէջ ծագէ, դուն բարի լուսին. իմ հոգիս
անոր հոգւոյն մէջ կարդա՛, դուն վհուկ գիշեր:

Երազիս աղջկան գրգանքը բեր ինձ, յուշե-
րը բեր ինձ, շնցուր զիս գիշեր, շնցուր զիս
լուսին...



ԴԱՐՁԵԱԼ ԳԻՇԵԲ Է

Դարձեալ զիշեր է, ու ցուրտ զիշեր. ու քու-
աչերդ մթութիւնը փոխ են առեր զիշերէն, ու
նայուածքներդ վիշտ են փորեր ծանրաթախիծ
սրտիս մէջ: Այդ մայրիի և աքասիայի ծառերը
որ իրենց սիլուէթը կը բարձրացնեն սենեակիդ
առջեւ, իրենց պատմութիւնը ունին հոգւոյս հա-
մար: Ե՞խ քու սիրտդ...քու հոգիդ մանուկ է
զեռ ըմբռնելու այս բոլորը...: Վայ ան սրտին
—որ իմ սրտիս պէս— յուշեր ունի զիշերէն և
կապուած է անոր միսթիքականութեան: Առակա-
լի է, առեղծուած է գիշերը...:

Դարձեալ զիշեր է, ու խաւար զիշեր...

ՎԱՊՆ

Վաղը գիմացի բլուրները պիտի թարմանան
ու հրճուին անուշ արեւով, ու մենք թեւանցուկ
դարձեալ պիտի քալենք մարմանզին վրայ մտա-
վախ՝ տեսնող աչքերէ ծծելով ծոթրիններու անու-
շահոտ բուրմունքը:

Պիտի քալենք մինչեւ բրգաձեւ մայրէներու
ստորոտը ու պիտի նստինք թխագոյն ժայռին վը·
րայ ծունդ ծունդի: Պիտի լսենք թոշուններու
գեղեղեղանքը, որոնց թոփշքներէն ասեղնաձեւ
տերեւներ պիտի իշխան գոգերնիս, փշող մեղմ զե·
փիւոին հետ պիտի շնչենք մազտաքէի անուշա·
հոտ բուրգունքը: Գլուխս պիտի հանգչեցնեմ
կուրծքիդ վրայ լսելու համար սրտիդ սիրոյ
տրոփիւնները: ...Ու մենք պիտի երազենք, պիտի
երազենք ու հեքեամներ պատմենք իրարու:

Ո՞հ աղուորս, ի՞նչ գերակայ պիտի ըլլայ
պահը ու վսիմ:

ՍԻՐԱՅԻՆ ԲԱՂՁԱՆՔՆԵՐ

Մի՛ զար: Զեմ բաղձար որ շըթներդ երկա·
րես ինծի: Եթէ թոյլ տաս որ մազերդ շոյիմ, կամ
շշատակի նայուածքներդ մխրճւին աչքերուս մէջ
այսչափը կը բաւէ: Կ'ուզեմ սիրոյս մէջ անկեղջ
ըլլալ:

Տառապէ՛ լուռ ու անշուկ: Մէջդ պահէ լոկ
սիրտգ գալարող սիրոյ մրմունչները: Քաղցր,
միևնոյն ժամանակ գառն է տառապա՞քը սիրոյ մէջ՝

Կ'ուզեմ որ մեր սէրը անկեղջ մնայ ու դուն
բա՛րձը ըլլայ միշտոյ Զի տարակուախոյ քեզ շատ
սիրելուս համար է կ'ըսեմ այս խօսքերը:

Սոխակէ՝ զիշերը կը հիւսէ իբ երգը. վար~
դերը՝ զիշերը կ'երկնեն իրենց կարմիրը...: Հա~
մայն ծաղիկները իրենց լանջքն ու շաղոտ թեր~
թիկները կը բանան արեւի հեռաւոր եւ առաջին
ծաճանչներուն: Գիշերը կը տառապէին, հիմա կը
հրճուին:

Կ'ուզեմ որ տառապելէդ վերջ ժպտիս ինծի,
նոյն ի'ս' արցունքներուդ մէջէնս Զեմ սիրեր միա~
պալադ: Կ'ուզեմ մերթ փոթորկալից ծովու եւ
լիճի մը վէտվէտուն մակերեսին պէս ըլլայ ան:
Առանց տառապանքի սէրը կեղծ է: Կ'ուզեմ որ
տառապիս եւ տառապեցնես, լաս եւ լացնես,
ժպտիս եւ ժպտեցնես:

Սակայն կ'ուզեմ որ լոկ հեռուէն ժպտինք
իրարու: Մեր սէրը ըլլայ պղատոնական ու մը~
նանք իտէալ սիրողներ:

Պիտի կընա՞ս սակայն խոստումդ պահել թէ
պիտ զարպասես ուրիշներու ալ, ի ցի՛ւ թէ: Սա~
կայն ո՞վ գիտէ, թերեւս, որովհետեւ սրտերը վա~
րագուրուած խաւար զիշերներու կը նմանին:

Սրտիդ վկայութեամբ անկեղջ բառ մը, «կը
սիրեմ քեզ» ը կը բաւէ:



ԱՌ ԱՇՈՒՆ

Աշուն, կապարի պէս թանձր ու տիսրաբոյք
կ'իջնաս հոգւոյս վրայ բերելով մղձաւանջն ու
սարառուը ձմեռուան, Թափուր է ծաղկաստանիր
ուր կ'երթայի մերթ սիրոյս մեղեդին երգելու ու
աւաչն հիւսելու։ Ահա բոլոր այն տերեները՝ ու-
րոնց կանանչութեան այնքան կը գուրգուրայի և
կը վախնայի մատերս հավելու՝ դեղնած ու ազա-
գուն, հովէն տարուբեր կը փշրուին ոտքերու տակ։

Աշուն, այս իրիկուն լերկ ամայութիւն,
դուն հոգւոյս թախիծ, մորմոք կը բերես Խո-
քեր կան շուրթերուս վրայ սառած։

* *

Քեզ կը փնտռեմ ի զուր, ո՞վ տարփանոյց
սէր, որ բարութիւն քամես շուրթերուս Գոնէ
դուն հասկնաս դեռ չըսուած ո չի գրուած բառե-
րը սրափս։

Աշուն, այս իրիկուն դուն հոգւոյս տւեր,
մահ կը բերես...

* *

Սա իրիկունը աշնան կ'ուզեմ որ դուն մօ-
տըս ըլլաս, ու բարութիւն, բարութիւն ծորի
անսահման, որ պարտէզը յոյսիս կանաչի կ'ու-
զեմ մօտս ըլլաս, ցաւերս, վիշտերս հասկնաս ու
դուրգուրաս...։

Ա՛խ աս երեկոյեան աշնան կ'ուզեմ որ դուն
մօտս ըլլաս, բայց բարի ըլլաս...։

ԻԲՐ ԹԷ ՔՈՒ ՄԱԶԵՐԻ ԸԼԼԱՅՑԻՆ ԱՆՈՆՔ...

Գիշերուայ հանդարտ ու լուռ սա պահուն
որ միայն ծղրիթները իբենց միանուագ երգով
միջոցին անդորրութիւնը կը վրդովին, ձեռքս ծը-
նօտիս, քու վրադ կը խորհիմ։

Լուսինը կը բարձրանայ հորիզոնին վրայ։ Կը
մօտենամ պատուհանիս երկիւղածօրէն ու ծնկա-
չոք, ու կուզեմ դրաւանգել սեղանիս վրայ տար-
տղնուած պատուհանէն ներս սպրդող ճառագայթ-
ները իբր թէ քու մազերդ ըլլային անոնք։ Կար-
ծես ան մտերմօրէն կը ժպտի Քեզ կը տեսնեմ
անոր մէջ, ու հոգիս կը չէննայ։ Կ'ուզեմ վե-
րանալ, վերանալ ծծել լոյսը կաթոգին խելայե-
զօրէն, խենգօրէն։

Ի՞նչ անուշ է երկնակամարի ծաւին լուսնի
կաթնաթոյը սկաւառակովը։ Կ'ուզեմ հոգիովս
բովանդակ նաւել անոր մէջ, զի աչերդ երկինք-
ներ են ու բիբերդ լուսին։

Հիմա, սա մտերմ գիշերուայ մէջ քեզ քովս
ունենալու անհուն բաղձանքն ու պատրանքը ու-
նիմ, մազերուդ գանգուրները մատներուս տակ
այսպէս, բերան բերնի, շուրթ շուրթի, ժամեր
շարունակ քարացած մնալ ու սպասել մինչեւ
որ հասկնաս հոգիս սիրոյ բառերն անմեկին։

Կը մօտենամ պատուհանիս ու կը փնտռեմ
քիչ մառաջուայ սեղանիս վրայ տարտղնուած լուս-
ուի շողերը, իբր թէ քու մազերդ ըլլային անոնք...

ԳԱՐՆԱՆ ՎԵՐԹԻՇՈՒՄ

Յիշեցի դալարագեղ գարունը, ապրիլեան զուարթու չէնշող օրերը, երբ իրիկունները դաշտ կ'երթայինք թեանցուկ։ Դաշտը ծածկուած կ'ըլ-լար կարմիր ու գեղին կակաչներով, ապրիմ մեռնիմներով և գոյնզգոյն ծաղիկներով։ Աղբեւրի ոսկեղին զլզիլին կը խառնուէր ճիտերու անուշ ճոռողիւնը, հեռուէն կը բառաչէին ոչխարները ու կը լսուէր հովիւին մեղմօրօր սրինզը։

Կը յիշեմ այն օրը — կիրակնամուտ թերևս—րլուրի կողին, մայրիկին տակ նստած սքանչանալով կը դիտէինք վերջալոյսին պահերը, քրքում ոսկի ու կարմիր ընդելու զուած երանզները։ Կ'ոսկեզօծուէր թուփերով եղերուած ոլորտապտոյտ վայրէջք արանեար։ Հոգիները կ'օրօրուէին սիրոյ հաշիշով, թեւ կ'առնէին վարդագոյն երազները։ Մինչ կ'իշնէր թիստոյն զիշերը, կ'ընդլայնուէր շառագունումը հորիզոնին ու լուսինը ծառաստաններու մէջէն կը բարձրացներ իր անուշ սիլուէթը։ Զէինք ուզեր բաժնուի դաշտէն ու սէր կը փափսայինք իրարու……

Զի կաս դուն, չիկայ խանդավառող սիրոյ պարիկը, և այս բոլորը կը պատմեն, կը խօսին կը յիշեցնեն ինձի թովչանքով լեցուն ծաղիկները։

* *

Հիմա կը խոկամ առանձինա։ Վաղը դարձեալ պիտի գայ դալարագեղ գարունը, ապրիլեան

զուարթ ու չէնշող իրիկունները դարձեալ պիտի գան, պիտի երգեն ծիծեռնակն ու սարեակը, դուն պիտի տեսնես այս բոլորը, պիտի խորհրդածես։ Պիտի յիշես զիս որ չի կամ, և կամ աւա՞զ, պիտի մոռնաս նոյն իսկ յիշել. ահա այս է սոսկալին։

ԱՌԱՆՑ ՔԵԶ

Տե՛ս, առանց քեզ աղքատ ու թափառական է հոգիս, խղճա՛ ինձի և վերադարձիր։

Մինակ եմ այս զիշեր։ Հովք սահնձարձակ կը ծեծէ պատուհանիս փեղկերը երկիւղի սարսուռը պտացնելով հոգիիս մէջ։ Հատած է լամբարիս իւղը ու պատրոյզը ի զուր կը մխայ։ Որուն փոխարէն զեղնագոյն վտիտ մոմ մը տարտղնըւած սեղանիս մէկ անկիւնը հազիւ կը պլպլայ, ու եզերքներէն հոսող ճարպը և ճարճատիւնը հոգիս կը ջղայնացնեն։ Կարծես կու լայ ան իր հատնումի ցաւով, կը հեկեկայ և կը մաշուի սրամիս մէջ։

Հիմա, մոմին հետ յոյսերուս թերթերը կը թօշնին ու փետրատուին, ու գառն հառաչանքներուս հետ արցունքներս կը հալին աչքերէս լար։

Մինչ մոմը իր հոգեվարքը կ'ապրի, ու ես, մութին մէջ, ի զո՞ւր կը դառնամ մահիձիս վրայ տքնելով գոցել աչերս……

Խղճա՛ ինձի, վերադարձիր, առանց քեզ աղքատ ու թափառական է հոգիս……

Զ Ա Ջ Ո Ւ Ա Ը

Ատենէ մ'իվ՛ր ո՛չ մէկ րառ նոխանականձ
էնք իրարու հետ: Սակայն յաճախ կը հանդեպէինք ու կ'անցնէինք իրարու մօտէն անծանօթներու պէս, լոկ մատնող ու զաղանի ակնարկ մը ձգելով: Կ'ամչնայինք: Պարզ է պատմութիւնը. քենոտած էինք: Օր մը մերժած էր այն ծաղկեփունջը որ իրեն ուզած էի նուիրել: Ահաբոլորը.

Երէկ ծաղկիներ ղրկեր էր ինծի այն սեւաշւի փոքրիկ տղուն հետ (մեր սիրոյն գօդիչը) երկտողով մը միասին: Գրեր էր. «Մասնաւոր քեզ համար հաւաքեցի, գիտեմ թէ շատ կը սիրես զանոնք... լաւ խնամէ, և նայէ որ շուտ չի թառամին...»

Դաշտի ծաղիկներ էին անոնք. կակաչներ, նարգիսներ, ապրիմ մեռնիմներ և վերջապէս այշազան ծաղիկներու զունագեղ ու աղուոր ղրասագ մը: Ինչչը յիշեցի, հին սէրեր, հին վէրքեր...

Անշուշտ ինծի գերազոյն հաճոյք մը պատճառելու համար էր որ ըրած էր այս անակնկալը: Ի՞նչպէս ալ կարողացեր եմ թափանցել հոգեբանութեանս թէ այդ վայրի, խոպան բուսականութեան ծաղիկները աւելի կը սիրէի քան ձեռքով խնամուածներն ու հոգացուածները, չէ որ անոնք նման էին իւենթ ու ազատ սիրոյ մը...»

Հո՛ս են անոնք հիմա, ծաղկամանիս մէջ, զորակնասլիշ կը հիտեմ: Վերապրումներ զուարթ ու տխուր: Հին սիրոյ մը հին ուխտը կը կարգամ հոն հիմա աւերակ ու մոխիր դարձած: Արցունքի կաթիլներ կան անոնց թերթերուն վրայ:

Կրկին կը նայիմ, անոնք դեռ չի յայտնուած գտղունի բան մը կը խօսին հոգիիս: Զովում մըն է այն, բայց...

Կ Ա Ր Օ Տ

Կ'զգամ որ ամէն օր հեռաւոր կարօտդ սիրտըս կը մաշէ, կը հիւծէ:

Գալուդ կ'սպասեմ: Իբրեւ թէ պիտի գաս: Եկո՛ւը որ վերադարձիդ տօնը տօնեմ: Ծաղիկները որ երկար ատենէ ի վեր կը խնամէի, ահա քեզ համար պատրաստեր եմ: Այս է բոլոր հարստութիւնս բոյլ հրճուանքի և կաթիլ մ'արցունքի հետո...

Յուշիկ բան մը կը սլանայ, կը հեռանայ...:

Բաէ՛, ի՞նչ է ան որ հոգիիս սարսուռ կ'ազդէ: Վախնամ ըլլայ ան դրուժան սէրը:

Բան մը կ'արտաթորի հոգիէս, անծանօթ ու թաքուն բան մը կը մաշէ, կը տանջէ զիս:

Ո՞հ աղուորս, տարփանոյշ սիրոյդ հեռաւոր կարօն է ան:

ՓԵԶ ՀԱՄԱՐ

Կը մօտենամ պատուհանիդ զգոյշ՝ քեզ
տեսնելու պատրանքով, ինչպէս սովոր եմ՝ ընել
միշտ, երբ դուն կ'երթաս նիրհելու անուրջի թե-
ւերուն վրայ:

Մերթ ալ կուգամ նայելու դրանդ բանալիի
ծակէն...: Այսօր թափուր է տնակդ սակայն:

Աչքերդ տառապանքի դիշերներ են, նայ-
ուածքներուդ տակ վարդերն իսկ կը կքին:

Դուն բոլորովին անծանօթ ու անմեղ ես այս
սիրոյն. ես մեղաւոր եմ:

Կը նայիմ չորսդիմ: Ի զուր կը փնտում
քեզ: Չի կաս դուն.

Մութին մէջ, պատուհանիդ քով, դող ոլո-
տով կ'սպասեմ քու գալուդ, քեզ տեսնելու հա-
մար:

Սիրոյ պատմութիւն մը

ԹԵ ԻՆՉՊԵՍ ՍԿՍԱՒ

Այսօրուայ պէս գարնան օր մըն էր արե-
ւոտ ու շէնշող, կակաչներն ու ապրիմ-մեռնիմ-
ները դեռ նոր էին բացուէր, նշենիները դեռ նոր
էին զարդարէր իրենց լերկ ճիւղերը ձիւնասպի-
տակ ծաղիկներով, արշալոյսին էր, երբ ծնողքէն
գաղտնի դաշտ գացինք ծաղիկներ հաւաքելու:

ԵՐԱԳԻ ՕՐԵՐ ԷՒՆ:

Ա՛խ, գարնան օր մըն էր ա՛յնքան անուշ:
Կը սիրէինք, կը պաշտէինք զիրար թէեւ ան-
խոս ու լուռ: Մէրը դեռ մանուկ էր ու հոգիները
բիւրեղ: Ամշկոտ էինք: Մաշող նայուածքներ կը
փոխանակէինք լոկ: Իրարու սիրտ կը կարդայինք
էջ առ էջ առանց խօսք մ'իսկ յայտնելու, այս էր
սոսկալին, ու կը տառապէինք երկուքնիս ալ:

Դաշտի ծաղիկներ կը հաւաքէինք. Մերթ մեր
բաղդը կը փորձէինք ապրիմ-մեռնիմները փետ-
տելով, մերթ տժգունելով, մերթ կարմրելով:

Մէրը խենդ էր դաշտի վայրի ծաղիկներուն
ու իր շրթները կարմիր՝ կակաչներուն պէս: Դեռ
սէրը մանուկ էր, քնքուշ, ու կեանքը երազ:

Թեթեւօրէն մազերը շոյեցի ծառին տակ ու
հրաբորը բոցէ համբոյը մը դրոշմեցի շուրթե-
րուն վրայ: Չա՛ր, ըսաւ, մագնիսացնող նայուած-
քով մը, ու ես, յանցաւորի մը պէս ակնարկնե-
րըս գետին խոնարհեցուցի:

Այսպէս սկսաւ մեր սիրոյ առաջին պատ-
մութիւնը: Ու մենք ալ խօսեցանք ու խոսու-
վանեցանք մեր սէրերն իրարու:

Անցան օրեր, գաբուններ, այն մնաց նոյն
առեղծուածը, նոյն հոգին, ու ես՝ դեռ փնտառով
մեր առաջին այդ սիրոյն...

Հիմակուայ պէս կը յիշեմ, գարնան օր մըն
էր արեւոտ ու շէնշող, դեռ կեանքը երազ:

Երբ դաշտերը ծաղկին, ու ամէն անդամ որ
տեսնեմ ապրիմ-մեռնիմներ ու կակաչներ, այդ ո
րերը կ'երազեմ:

Ա'խ, ճիշտ հիմակուայ պէս կը յիշեմ, դար-
նան օր մըն էր աշխան անուշ...

ՄԵՌԱԾ ՍԷՐ

(ՆՄԱՆՈՂԱԲԱՐ)

Սէրս մեռաւ թիթեռնիկի մը պէս զոր դիե-
ցուցեր, մեծցուցեր էի հոգւոյս աւիշով։ Շատ
հեղ արցունքներ քամեր էի աչքերս անոր համար։
Ինք տուած էր զայն երազի անոյշ օր մը եւ հի-
մա ինք կը չ'շրէ զայն։

Սէրս մեռաւ թիթեռնիկի մը պէս օրհաս....

Անոր աչքերը զիշերուայ պէս սե, լուռ ու
խորունկ էին։ Ան իր քնարը փշրեց սիրոյ ծովուն
եղերքը, վշտի զիշեր մը, սիրտս խորտակելով։

Սէրս շիջաւ աստղի մը պէս ու երազներս
թօշնեցան մահուան խորշակէն։

Ինք տուած էր, ինք փշրեց զայն։

Սէրս մեռաւ թիթեռնիկի մը պէս քնքոյշ ու
շիջաւ աստղի մը պէս զձիտ։

Ես եմ յուզաբկ, ես սգաւոր, ես եմ խենդ....

ՎԵՐՋԻՆ ԳԻՇԵՐԸ

Վաղը պիտի մեկնի անս։
Վերջին զիշերն է։ Նստած ենք հաստաբուն
մայրին տակ, կուռ է բնութիւնը. լուռ ենք եւ
մենք։

— Հոգիս կը սարսի, կ'ըսէ ինձի, որքան
խենդ էի ես... երբ վաղը պիտի բաժնուինք եւ
պիտի մոռնաս զիս։ Ի՞նչ արժեց այսքան սիրելը...։

— Մոռնա՞լ, կը պատախանեմ, չեմ ներեր
քեզ այդ խօսքը, վարդագոյն յիշատակներ ունիմ
քեզմէ, և ... կ'ուզեմ որ հոս մնաս, լաւ զիտես
դուն, մեր երկինքը պայծառ է, աստղերը՝ վըճիտ
լեռները՝ կանանչ, աղբերակները՝ դլդուն և ծա-
ղիկները վայրի են, ու ամէն շիւղ պատմութիւն
մը ունի մեր հոգիներուն....։

Աչքերը արտասուքով կը լեցուին։

— Սակայն վաղը... վաղը ակամայ պիտի
մեկնիմ... մենք պիտի բաժնուինք... կը պատա-
խանէ, թայց մեր սէ՞րը... ի՞նչպէս սկսաւ, ու բը-
նաւ չեմ զիտեր ալ թէ ինչպէս պիտի վերջանայ։

...Ու դուն շինական ես, դուն շէն ես, հո-
գիդ գեռ աղայ։ Ա'խ, մեր լեռները միշտ ձիւնոտ
են, առուները պղտոր եւ երկինքը ամպոտ։ Ես
տիսուր եմ մեր երկինքին պէս ու աչքերս լեցուն
մեր առուներուն։ Վաղը առաւօտ... վաղը...։

Ան կուլայ։

Ես կուլամ։
Մենք կուլամնք։
Կը սահի զիշերը անքուն...

* *

Կայարանն ենք։ Զանգակը կը հնչուի. առաջին ազդարարութիւնն է։ Տիրութեան ալիք մը կ'ողողէ հոգիս։

Վերջին պահն է, քանի մը բովէ յետոյ պիտի բաժնուինք։ Խեղուկ ձայնով հազիւ «մնաս բարով» մը կ'ըսենք իրարու փղձկելով։ Սակայն դեռ բառեր կան։

Սուլիչը կը փշուի. շոգեկառքը կը շարժի յամրընթաց։ Ճիգ մը ևս, թաշկինակի և գլխարկի շարժումներ։

Ակնթարթի մը մէջ կառաշարը կը կորսուի ծառաստաններու մէջ ու ալ չերեւար.

Ո՞վ զիտէ. կը խորհիմ, քանիներ կան անոր մէջ հիմա որոնք իրենց սրտի հաշուեյարդարը կ'ընեն։

Զէ՞ որ քիչ առաջ իրարու քով էինք։ Անցնող հովի մը պէս սուրաց ան։ Ի՞նչ հակոտնեայ է աշխարհը եւ մէկ վայրկեանէն միւսը ի՞նչեւ կը պատահին։ Սակայն այս է կեանքը իր բոլոր զոյներով, իր բոլո՞ր ստորոգելիներով։ Կ'անցնին օրեր։ Հազիւ քանի մը նամակ ու ալ չենք զրեր իրարու։

Սակայն լաւ գիտեմ, վերջին զիշերուայ այդ պատմութենէն անմոռաց յիշատակ մը գեռ գրոշմըւած կը մնայ մեր երկուքին ալ սրտերան վրայ։

Յ Ա Յ Պ Ա Յ Ի Ն

I

Ես քու խենդն եմ, իջի՛ր, զիշե՛ր, թող լութիւնը իջնէ ու աղմկայոյզ ցերեկի յաջորդէ խաղաղութիւնը սիրաւէտ։ Թող աստղերը պսպղուն իրենց զիւթիչ լոյսը ծորեն հմայագեղ հորիզոնէն ասմազուն ու հոգւոյս բացուի ցայգատօնը սըխրալի։

Սակայն որչափ մեծ են յոյզերդ զիշե՛ր, ո՛րչափ կը ճգնիս երկնելու համար այն հուրէ գունդը կարմիր — սպեղանին դալուկ հոգիներու։ Քու ծոցիդ մէջ կը պարփակես յոյսեր անհուն ու շուայլ օժտելու զանոնք երկնած լոյսովդ խանդակաթ։ Քեզ կը տենչամ, կը փարիմ քու հաշիշովդ զինով։ Սակայն ի՞նչ առեղծուած ես զիշե՛ր։ Երբ գուն իջնաս զըթառատ։ իմ երազներուն զըախտ աշխարհը կը բացուի համակ ու յոյսերս կը ծըլին։

Ես քու խե՞նդն եմ, սակայն ի՞նչ առեղծըւած ես, զիշե՛ր...։

* *

Եկո՛ւր, Եկո՛ւր, աղուռ՝ ր աղջիկ գիշերի, ո՞վ
դու մուսաս, դի՛ր գլուխդ ծունդերուս որ շուր-
թերուդ բոյրը ծծեմ, եւ սիրասուն խոպովները
մազերուդ իմ մատներուս շոյանքներուն տակ
թարմանան ու երկարին:

Գիշերը կը տարաժամի: Սակայն գիտեմ դուն
իմս ես, ու ես՝ քուկդ : Ես քու կրանիդ կամքիդ գե-
րին եմ ու գուրգուրոս դարպասիդ: Մի՛ կաշկան-
դեր, արձակէ՛ զիս, թող հոգիս պահ մը իր երա-
նաւէտ անդորրը գտնէ:

II

Կամաց կամաց թխագոյն գիշերը կ'իջնէւ
Մինակ ու լուռ մտիկ կ'ընեմ ծովու սիրայոյզ
կոչումին որ ահեղասուր ալիքներովը կը տար-
տղնէ ափունքի աւագն ու խճաքարերը: Հորիզոնը
արեւելքէն կը շառագունի: Երկունքի մէջ է: Կը
ցաթի լուսինը շիկնած: Ծովը կը խաղաղի, և
մութին մէջ, ջուրին երեսը տատանող նաւակ-
ները կ'արձաթազօծուին: Անըշային է պահը:

Նաւակ մը իր կտաւին երկար ստուերը ջու-
րին վրայ տարածած կը յառաջանայ դէպի բա-
ցերը: Պարմանիներ և պարմանուհիներ ցայդային
սիրերդ մըն է որ կ'երգեն մելանոյշ:

Տառապող ծով մըն է հոգիս ալեկոծ: Կոտ-
րած է առագաստը սիրոյս նաւակին:

... իբրև թէ մօտս եղած ըլլաս: Մրակի մէջ
երազ մըն է: Խնչո՞ւ ուշացար, — Սակայն լաւ
գիտեմ, վատահ եմ թէ պիտի գաս: — Սպասեմ
մինչև կէս գիշեր, մինչև որ մարդիկ նիրհեն
Մորփիոսի գիրկը այնպէս չէ...

Դժուար է ամբողջ գիշերը անքուն անցնել...

III

Կախարդ գիշերը խաւարակուու և մոայլած
դա՛րձեալ կը հեղեղուի ցաւակոծ հոգիիս վրայ:

Ո՛չ լուսինը և ո՛չ աստղեր կ'երեւին, և ո՛չ
ալ ծովուն սիրատապ մրմունչը կը լսուի: Գիշե-
րը իր միսթիքականութեան մէջ կ'օրըէ զիս զե-
փիւներու համբոյըով:

Անցեալի գողտրիկ յուշերով է որ կ'ապրիմ: Հոգիս կը տառապի քեզ համար ու քեզ փնտու-
լով, քեզ՝ որ սիրոյ հրաց դրիր սրախ մէջ, տար-
փանոյշ ու մաքուր սէրը հրդեհցիր հոգիէս նիրս
ու խոհականութեանս մէջ լացուցիր զիս սպա-
սումով մը գաղտնի:

Կեանքն այսպէս է ուր որ ըլլաս հոգի՞ս,
ցերեկն ու զիշեր: աստղերն ու լուսին, արհն
ամէն տեղ միենոյնն է, ունայնը ունայն...

* * *

Անգամ մ'ալ աչքերս կ'ուղղեմ երկինքին
լուսնակը տեսնելու պատրանքով, իմ վէրքերուս
սպեղանին, որ դուն տուիր ինձի օր մը, ու չի-
կայ նա»

Սակայն գիտեմ, պիտի յիշես զիս, պիտի
վերադառնաս օր մը աղքատիկ խցիկիս դուռը
բաղմելու, զղջման արտասուքը պիտի զլորի ա-
չերէդ վար, պիտի գթամ քեզ, պիտի բանամ հո-
գիս հրճուանքով եթէ երազներս տակաւին սա-
ռած չըլլան:

Պիտի յիշեմ քեզ, պիտի չի մօռնամ, մինչև
հասնիս հոգիիդ հանգրուանը միսթիք....



ՎԵՐՁԻՆ ԽԾԱՔԵՐ

Ահա՛ բոլորը ինչ որ դու տուիր ինձի, հա-
ւաքեցի զանոնք մի առ մի ու այս էջերով քեզ
կը զրկեմ: Շատ քիչ անգամ ժպիտ պիտի գտնես
հոն, աւելի արցունք որովհետև ամէն բանէ շատ
տառապիլ սորվեցուցիր ինձի:

Դիշերէն, լուսինէն, դաշտէն ու ծաղիկէն
սկսայ: Դաշտը, շատ խօսուն է ան գարնան, ո-
րուն կանաչումով հոգիդ պիտի հրճուի: Զեփիւ-
ուը ծաղիկներու բուրումները պիտի բերէ քեզ ու
գաղանիքներ փսփսայ ականջիդ. Հապա գիշե՞րնե-
րը, նամանաւանդ մայր սմուտէն վերջ երբ լուսի-
նը բարձրանայ հորիզոնին վրայ, և կամ խաւա-
րը ողողէ անջրպետը ի՞նչ յիշատակներ պիտի ար-
թինան, ի՞նչ երազներ թեւ պիտի առնեն մտքիդ
մէջ, եթէ ըմբռնելու, զանոնք հասկնալու կարո-
ղութիւնն ունենաս սակայն, որովհետև բնութեան
մէջ ամէն բան աստուածութիւն մըն է:

Լուսինը բարեկամ եղած է միշտ տառապող
հոգիներու:

Յիշէ՛ զիս, երբ անոր ճառագայթները լու-
սամուտէդ ներս սողոսկին, և դէմքիդ վրայ ի-
րենց արծաթը սփռեն, որովհետև իմ հոգիս ա-

նոնց մէջն է: Երբ ծառերու սօսաւիւնը, տերեւ ներու խարշափն ի'սկ իմանաս, լա՛ւ հասկցիր որ իմ ձայնս կայ անոնց մէջ զոր քեզ կը խօսի մը- տերիմ տենչով մը...: Ծովու գոչումը, աղբիւր- ներու գլգիլը, թոշուններու գեղգեղը գեռ շատ րաներ պիտի յիշեցնեն քեզ: Յիշատակներ անուշ, յիշատակներ տխուր, յիշատակներ դառն ու մը- տերիմ...

Այս բոլորէն յետոյ սակայն եթէ որ մը զըդ- ջառ եւ փորձես վերադառնալ ի՞նչ պիտի գտնես —ոչի՞նչ—, գուցէ քնարը լոկ հեզ պուէտիս քու տուած լարերովդ:

Ոչի՞նչ կը մնայ կեանքէն, —կեանքը ոչի՞նչ է արդէն, երգիծանք ու զաւեշտ — բացի յիշա- տակի հետքէ մը զուարթ կամ տխուր. Այս է պատմութիւնն ալ արդէն կեանքին:

Ահա՛ բոլորը ի՞նչ որ գու տուիր ինծի, հա- ւաքեցի զանոնք մի առ մի ու քեզ կը զրկեմ ամ- բողջ հարստութեանս հետ միասին — բոյլ հըր- ճրւանքով ափ մ'արցունք...:



ՑԱՆԿ

Վերջալուսային	Էջ 7
Պատուհանէն նայող աղջկան	8
Քեզ տեսնել կ'ուզեմ	9
Մերք	10
Հրաւէր գիշերուայ	11
Համբոյրները	12
Նայուածքները	13
Թողեր ևս կ'երքաս	13
Սիրոյ նամբան	14
Միրսու	15
Գիտէի արդէն	16
Սպասում	17
Այս գիշեր	18
Վէսի երջ մը	20
Ամէն անզամ որ	21
Կեանքը	22
Փևուում	23
Վերյիշում	25
Դրաներդ ումբին	26
Լուսնծագին	27
Մայիսի վարդեր	28

Նամակը	29
Ծառերուն տակ	30
Հարցում	31
Զղում	32
Երազներուս	34
Յոյսին	36
Երբ վերադառնաս	37
Հաւատք	38
Մի՛ գար	39
Պատիկ աղջկան մը	40
Գրեր էր ինծի	41
Ամէն զարունի	43
Դուռ դրացի ենք նիմա	44
Մրափիս մէջ	46
Ալ մի կենար նամբուս մէջ	47
Փիշերային փափսութներ	48
Ալպիւմս	50
Յուշեր	52
Խորհրդաւոր ծաղիկները	54
Ժամադրութիւն	55
Աղերս զիշերուայ	56
Դարձեալ զիշեր է	57
Վաղը	57

Սիրային բաղձանեներ	58
Առ առուն	60
Իբր թէ քու մազերդ ըլլային անոնք	61
Դարնան վերյիւում	62
Առանց մեզ	63
Զղումը	64
Կարօս	65
Քեզ համար	66
Թէ ինչպէս սկսաւ	66
Մեռած սէր	68
Վերջին զիշերը	69
Ցայգային	71
Վերջին խօսքեր	75

* *

*

ՀԱՅԱՍՏԱՆԻ ԹԱԴՐՈՒՅ

ՏՐԱՎԱ ԱՆ

ՇԱԽԱ ԱԼԵՎԻ ՄԵՐՈՒ ԽՈՎԻ ԽՈՎ

ԽՈՎԱՅԻ ԽՈՎԱՅ

ԽՈՎԱՅԻ ԽՈՎԱՅ

ԽՈՎԱՅԻ

ԽՈՎԱՅԻ

ԽՈՎԱՅԻ

ԽՈՎԱՅԻ ԽՈՎ

ԽՈՎԱՅԻ ԽՈՎ

ԽՈՎԱՅԻ

ՀՀ Ազգային գրադարան



NL0340667

35229

28.4

ԳԻՆ 7 ՊՊՏ. ԴՀԿ.